

A sa zittadina 'e Othieri.

Ses ridente zittadina
ses ninfa 'e su Logudoro
ses de Sardigna teroro
cale perla diamantina.

Ca ses fiera e galana
risplendes a notte a die
Cantu saludan a tte
Cantu sa zente isolana!
Pares s'istella Diana
imitas sa Matutina
paret chi lughe divina
ti diet primu isplendore
cun su teneru candore
ses ridente zittadina

Cale che tue prejada
chie che tue dechida,
de dignos fruttos frunida
tota vida ses bistada
ca ses tantu invidiada
vida felice t('imploro
e cun umanu decoro
ses cun s'istranzu ospitale
prit'as trattu geniale
ses ninfa 'e su Logudoro

Puru chi non ses zittade
ses vezzosa zittadella
ca ses antiga e novella
ses sorre 'e sa ziviltade
ca signora calidade
lughes che perla de oro
incantas s'ingraflu moro
s'inchinat a su pe tou
rexis su saludu sou
ses de Sardigna tesoro

Ca ses pomposa e signora
non trascores una ia
sa concisa poesia
canta cun boghe sonora
canta ch'iscultan ancora
de sas musas sa reina
ca de oro una foglina (1)
t'han già iscrittu in Casteddu
a sa nadia de Cubeddu
cale perla diamantina.

Pinza sa sublime santa
de su Remediù as tentu
sempre da'e su firmamentu
ti risplendet tota canta
ca has donu puru e talentu
canta, Othieri, canta.

Thiesi Settembre 1957

Favoreddu Santoru

- pastore - Thiesi

Favoreddu Santoru

(1) Allusione a una commemorazione di Cubeddu, apparsa recentemente nella rivista di poesia sarda "S'Ischiglia".